

KA UEESHITAKANIT UAUITAMATUN

Tsheshkutamashune nete katshishkutamatsheutshuapa Nutapiueunanit, Akamit Sheshatshiu (North West River), Makkovik, Nent, kiemak St. Anthony ka pimipanitat nete Natukunitshuapit kiemak Aissimeu-aiamitshuap, tshe minu-tshitapatamin umue uauitamatun mashinaikan.

Kanata (Canada) Tshishe-utshimau kie anitshenat auassat ka piuenimakanit katshishkutamashut nenu katshishkutamatsheutshuapa ka uitakaniti katshitanamuht shunianu \$50 million tapuetatun shunianu (Ka Tapuetatunanut Shuniau) ka mamuituht anitshenat ka piuenimakanit katshishkutamashuht nete katshishkutamatsheutshuapa ka uitakaniti.

Eshk apu tshissenitakuak tshetshi eka minu-tutak ne tshishe-utshimau Kanata (Canada). Ekue patush tapuetakaniti nete ka mishta-ueeshitakanit ekue tshe patshitanakanit ne ka tapuetatunanut shuniau tshetshi patshitanamuakanit anitshenat ka piuenimakanit nete ushkat auassat katshishkutamuakanit.

AUEN TSHE TAPUETUAKANIT TSHETSHI MATINUMUAKANIT NENU SHUNIANU?

E unuutishimanakue tshitishinikashun nete tshetshi pitakatakanit ka mishta-ueeshitakanit, ne tapuetatun shuniau tshika takunu tshetshi matinumakanit eshk e innut auen ka piuenimakanit nete ka pet euassit takuatshi-pishimua 23, 2006 pipunu kie katshishkutamashukue nete natukunitshuapit ka ut pimipanitakanit tshishkutamatun kiemak nete Aissimeu-aiamitshuapit nete pipunu e uitakanit kie pishimua mak tshishikunu:

- i. Nutapiueunanit - shiship-pishimua 1, 1949 nuash uapikun-pishimua 30, 1964 pipunu
- ii. Akamit Sheshatshiu (North West River) shiship-pishimua 1, 1949 quash uapikun-pishimua 30, 1980 pipunu
- iii. Nent - shiship-pishimua 1, 1949 nuash uapikun-pishimua 30, 1973
- iv. Makkovik - shiship-pishimua 1, 1949 nuash uapikun-pishimua 1960
- v. St. Anthony - shiship-pishimua 1, 1949 nuash uapikun-pishimua 30, 1979

TANITE UETSHI KATSHITINAMAN NE SHUNIAU?

Ishinakuaki tshetshi tapuetakanit nete ka mishta-ueeshitakanit ne shuniau tapuetatun, tshin tshika katshitinen ne shuniau. Peta tshika shakassinan mashinaikan ekue tshe tshitashaimin ne tshi mashinaikan nete mashinaikanitshuapit tshe matinuenanut ne shuniau.

TAN TSHE ISHPISH KATSHITINAMAN NE SHUNIAU?

Tshipa tshi katshitanen:

- Uiesh \$15,000.00 kiemak \$20,000.00 muk etaune nete katshishkutamatsheutshuapa ka uitakaniti kie tan ka ishpish taune eukuan tshe tshitapakanit; kie
- Uiesh \$50,000.00 kiemak \$200,000.00 eshi-piuenimukune tshika tshitapakanu ka ishpish tain nete katshishkutamakuin.

EKUE ANITSHENAT UIKANISHIMAUAT TSHIKA KATSHITINAMUHT A NENU SHUNIANU?

Mauat Apu tut tapuetakanit nete ka mishta-ueeshitakanit ka pimipanitakanit "Uikanishimauat ka Peiku-mamuituht) tshetshi kie uinuu minakanit nenu shunianu uikanishuau ka piuenimakaniti nete katshishkutamuakaniti. Ekue apu tapuetuakanit.

TAN TSHE ISHI-TUTAKANIT EKA ISHI-TAPUETAMANI NE ESHI TUTAKANIT SHUNIAU KA TAPUETATISHUNANUT TSHETSHI MATINUMITUNANUHT?

Ekue eka ishi-tapuetatishuini ne shuniau ka tapuetatishunanuht tshe matinunitunanuht, tshe

1. Tshe mashinaishain

Tshe uitamin tshitishinikashu, nete etain kie tshikaiaiminanim etashtet, tshe minu-uauitamain tshekuannu uet eka ishi-tapuetamin tshe ishi atushkatet ne shuniau ka tapuetatishunanuht. Ekue tshe ui tshitashaimin ne tshi mashinaikan eshk eka ushkau-pishim 12, 2016 nete tshe itashaimin:

Akamassissit Ka ipananuti mitshuapa Katshishkutamatsheutshuapa
Ka ueeshitakanit Tshe Pimipanitakaniti Utshimau Ka Nakatuapatak, auen/ka nakatuapatak
20 Queen Street West Suite 900
Toronto, Ontario, M5H 3H3
ka atisseu-katshitapakanit: nfldresidentialschools@kmlaw.ca

2. Tshe itutain nete ka mishta-ueeshitakanit

Anite St. John's Akamassissit kie Napatau ka mishta-ueeshitakanit tshe itutain neta ushkau-pishimua 27, 2016 pipun tshetshi kie tshi aimin kie petakuin.

3. Tsheka tutamin tshekuan

Tshe patshitanamin tshi tipenitamun nete Tapuetatun shuniau tshe matinunitunanuht.

MA TSHISSENUMAU TSHIN AUEN KA TSHISHKUTAMASHUT NENUA KATSHISHKUTAMATSHEUTSHUAPA KA UITAKANITI?

Tshe uitamuekuht umuenu uauitamatunu mashinaikanu ka patshitanakanit kiemak tshe uauitshiekut nituenitaku tshetshi uauitshiekut.

Tsheshkutamashune nenu katshkutamatsheutshuapa nete Nutapiueunanit, Akamit Sheshatshiu (North West River), Makkovik, Nent, kiemak St. Anthony ka pimipanitakaniti nete ut natukunitshuap kiemak Aissimeu-aiamitshuap, tshipa tshi ishinakun tshetshi minukuin shuniau kie tshin.